

ოზურგეთის მუნიციპალიტეტი



გამარტივებული ელექტრონული ტენდერის აუქციონის გარეშე საშუალებით
შენობის დასრულების სამუშაოების სახელმწიფო შესყიდვის

სატენდერო დოკუმენტაცია

(CPV45400000)

ქ. ოზურგეთი
2016 წელი

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრედენდენტს არა აქვს უფლება წარმოადგინოს ალტერნატიული წინადადება

2. ტექნიკური დავალება

2.1. შესყიდვის ობიექტი:

2.1.1. ოზურგეთის მუნიციპალიტეტის ადმინისტრაციული შენობის პირველი და მეორე სართულზე, შენობის დასრულების სამუშაოების შესყიდვა.

ა) 1. სანკვანძის სარემონტო სამუშაოები;

ბ) 2. ოთახების ნაწილობრივი შეკეთება (პირველი და მეორე სართული);

2.1.2. შესასრულებელი სამუშაოს მოცულობა მოცემულია სახარჯთაღრიცხვო დოკუმენტაციაში, რომელიც ატვირთულია სატენდერო დოკუმენტაციასთან ერთად.

2.1.3. სამუშაოს შესრულებისას დაცული უნდა იყოს უსაფრთხოებისა და გარემოს დაცვის ნორმები.

2.1.4. სამუშაოების პარალელურად მიმწოდებლის ძალებითა და სახსრებით, სამუშაო მოედანი პერიოდულად უნდა გათავისუფლდეს სამშენებლო ნაგვისაგან, ნარჩენი მასალისაგან, დროებითი ნაგებობებისაგან და ა.შ.

2.1.5. შესყიდვის ობიექტის მიწოდების ადგილია: ოზურგეთის მუნიციპალიტეტი, ქ. ოზურგეთი, მერაბ კოსტავას ქუჩა #1.

2.1.6. დაფინანსების წყაროს წარმოადგენს, ოზურგეთის მუნიციპალიტეტის 2016 წლის ადგილობრივი ბიუჯეტის სახსრები.

2.1.7. შესყიდვის სავარაუდო ღირებულება: 64580 ლარი, დღგ-ს გათვალისწინებით

2.1.8. CPVკოდი: 45400000 - შენობის დასრულების სამუშაოები.

3. ტექნიკური დოკუმენტაცია

3.1. როგორც იურიდიული, ასევე ფიზიკური პირებისათვის სისტემაში ასატვირთი შემდეგი დოკუმენტები და ინფორმაცია::

ა) რეკვიზიტები (დანართი N1);

ბ) ინფორმაცია ანალოგიური სამუშაოების შესრულების გამოცდილების შესახებ (დანართი N2); პრეტენდენტს 2014 წლის იანვრიდან ტენდერის გამოცხადების დღემდე, შესრულებული უნდა ჰქონდეს არანაკლებ 150000 (ასორმოცდაათი ათასი) ლარის ანალოგიური სამუშაოები (ახალი შენობის მშენებლობა, შენობის რეაბილიტაცია). აღნიშნულის დასადასტურებლად პრეტენდენტმა სისტემაში უნდა ატვირთოს შესაბამისი სამუშაოების შესრულებაზე გაფორმებული ხელშეკრულება (ხელშეკრულებები) და მიღება ჩაბარების აქტი (აქტები).

გ) შესასრულებელი სამუშაოს შევსებული ხარჯთაღრიცხვა.

დ) სამუშაოთა წარმოების გეგმა-გრაფიკი (რომელიც საბოლოო სახეს მიიღებს ხელშეკრულების გაფორმების დროს) (დანართი N3);

შენიშვნა 1: გამარჯვებული მიმწოდებლის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-სა და მეტის სხვაობის შემთხვევაში, მიმწოდებელმა შემსყიდველის მოთხოვნის შემთხვევაში 7 (შვიდი) სამუშაო დღის ვადაში უნდა დაასაბუთოს ფასწარმოქმნის ადეკვატურობა და ამ ფასად მიწოდების შესაძლებლობა, რისთვისაც მიმწოდებელი ვალდებულია, წარმოადგინოს ექსპერტის მიერ გაცემული დასკვნა. ზემოხსენებული ექსპერტის დასკვნის წარმოდგენლობა ავტომატურად გამოიწვევს შესაბამისი მიმწოდებლის დისკვალიფიკაციას.

4. ანგარიშსწორების პირობები:

4.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

4.2. „მიმწოდებელთან“ ანგარიშსწორება განხორციელდება ეროვნულ ვალუტაში;

- 4.3. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;
- 4.4. შესაძლებელია საავანსო ანგარიშსწორების გამოყენება ხელშეკრულების ღირებულების 30%-ის ფარგლებში, შემსყიდველის მიერ ავანსის გაცემასთან დაკავშირებით, მიმწოდებელი ვალდებულია წარმოადგინოს გასაცემი ავანსის ოდენობის (ბანკის მიერ გაცემული) უპირობო საბანკო გარანტია. გარანტიის ვადა უნდა აღემატებოდეს სამუშაოების დასრულების ვადას 30 (ოცდაათი) კალენდარული დღით.
- 4.5. ავანსის გაქვითვა მოხდება ფაქტობრივად შესრულებული სამუშაოს გათვალისწინებით შესაბამისი მიღება-ჩაბარების აქტის (ფორმა №2) საფუძველზე, შესრულებული სამუშაოს პროპორციულად.
- 4.6. ავანსის გათვალისწინებული თანხის გადარიცხვა იწარმოებს უნაღდო ანგარიშსწორების ფორმით მიმწოდებლის მიერ უპირობო საბანკო გარანტიის წარმოდგენიდან ორი კვირის ვადაში.
- 4.7. შემსყიდველი უფლებამოსილია აამოქმედოს ავანსის უზრუნველსაყოფად გაცემული საბანკო გარანტია მიმწოდებლის მიერ ხელშეკრულების პირობების დარღვევისა და ხელშეკრულების შეწყვეტის შემთხვევაში, თუკი შეწყვეტის მომენტისათვის მიმწოდებელს არა აქვს დაქვითული გაცემული ავანსი ან მისი ნაწილი.
- 4.8. ანგარიშსწორება „შემსყიდველის“ მიერ მოხდება ეტაპობრივად, შესრულებულ სამუშაოზე „ფორმა №2“-ისა და შესრულებულ სამუშაოზე გაფორმებული მიღება-ჩაბარების აქტის საფუძველზე, შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში.
- 4.9. შუალედური ანაზღაურება განხორციელდება არაუმეტეს ნაზარდი ჯამით სახელშეკრულებო ღირებულების 80 %-სა.
- 4.10. საბოლოო ანაზღაურება მოხდება შესრულებულ სამუშაოზე გაფორმებული საბოლოო მიღება-ჩაბარების აქტის შემდეგ 10 (ათი) სამუშაო დღის მანძილზე, რომელსაც თან უნდა ერთვოდეს ექსპერტიზის მიერ გაცემული დასკვნა შესრულებული სამუშაოს სახარჯთაღრიცხვო მოთხოვნებთან შესაბამისობის შესახებ.**
- 4.11. ექსპერტის შერჩევა უნდა შეთანხმდეს შემსყიდველთან. ექსპერტიზის დასკვნის ხარჯებს აანაზღაურებს მიმწოდებელი.
- 4.12. გაუთვალისწინებელი სამუშაოების თანხების ხარჯვა მოხდება აუცილებლობიდან გამომდინარე შემსყიდველთან შეთანხმებით.

5. მიწოდების პირობები და ვადები:

- 5.1. შესრულებული სამუშაოს (ეტაპის) ჩაბარება ხორციელდება ეტაპობრივად, შესრულებულ სამუშაოზე შედგენილი მხარეების უფლებამოსილი წარმომადგენლების მიერ დამოწმებული შესაბამისი აქტის საშუალებით.
- 5.2. სამუშაოები უნდა შესრულდეს მიმწოდებლის მიერ წარმოდგენილი გეგმა-გრაფიკის შესაბამისად, წინააღმდეგ შემთხვევაში გამოყენებული იქნება სატენდერო დოკუმენტაციით განსაზღვრული ხელშეკრულების პირობების შეუსრულებლობისათვის განსაზღვრული საჯარიმო სანქციები (სამუშაოს წარმოების გეგმა-გრაფიკი საბოლოო სახე შესაძლებელია მიეცეს ხელშეკრულების გაფორმების დროს).
- 5.3. სამუშაოს (ეტაპის) მიღება განხორციელდება შემსყიდველის და შემსრულებლის უფლებამოსილი წარმომადგენლის თანდასწრებით, რაზედაც შედგება უფლებამოსილი წარმომადგენლების ხელწერებით დამოწმებული შესაბამისი მიღება-ჩაბარების აქტი.
- 5.4. შემსყიდველის მხრიდან მიღება-ჩაბარების აქტს ხელს აწერს სახელმწიფო შესყიდვების შესახებ ხელშეკრულების პირობების შესრულების კონტროლის მიზნით ოზურგეთის მუნიციპალიტეტის გამგებლის 2014 წლის 18 აგვისტოს ბრძანებით შექმნილი სამუშაო ჯგუფი.
- 5.5. სამუშაოს დასრულების საბოლოო ვადა განისაზღვრება, ხელშეკრულების გაფორმებიდან 60 (სამოცი) კალენდარული დღით.**
- 5.6. სამუშაოს (ეტაპის) დასრულების შემდეგ მიმწოდებელი წერილობით მიმართავს შემსყიდველს, წერილს თან უნდა ერთვოდეს შესყიდვის ობიექტის მიღებისათვის საჭირო ყველა დოკუმენტი.
- 5.7. შესყიდვის ობიექტი მიწოდებულად ითვლება ორმხრივ ხელმოწერილი მიღება-ჩაბარების აქტის გაფორმების შემდეგ.

6. მხარეთა პასუხისმგებლობა ხელშეკრულების დარღვევისას

- 6.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 6.2. ხელშეკრულებით განსაზღვრული ვადების დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო შეუსრულებელი ვალდებულების ღირებულების 0.1% ოდენობით.
- 6.3. იმ შემთხვევაში, თუ მიმწოდებლის მიერ, სატენდერო დოკუმენტაციით (ხელშეკრულებით) განსაზღვრული ობიექტის საბოლოო ჩაბარების ვადას, ვადაგადაცილება აღემატება ჯამში 20 (ოცი) კალენდარული დღეს, შემსყიდველს უფლება აქვს შეწყვიტოს ხელშეკრულება.
- 6.4. ხელშეკრულების შეუსრულებლობით შეწყვეტის შემთხვევაში, მიმწოდებელს ეკისრება პირგასამტეხლოს გადახდა ხელშეკრულების საერთო ღირებულების 10 (ათი) პროცენტის ოდენობით;
- 6.5. სამუშაოების წარმოების გეგმა-გრაფიკის დარღვევის შემთხვევაში მიმწოდებელს დაეკისრება პირგასამტეხლო სატენდერო დოკუმენტაციის „6.2.“ პუნქტით განსაზღვრული ოდენობის შესაბამისად. პირგასამტეხლოს დარიცხვა შეიძლება გაგრძელდეს 7 კალენდარული დღის განმავლობაში, ამის შემდეგ დგება ახალი გეგმა-გრაფიკი.
- 6.6. ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას არ აანაზღაუროს შესრულებული სამუშაოს ასანაზღაურებელი ღირებულება, საჯარიმო სანქციებით გათვალისწინებული თანხის სრულ გადახდამდე.

7. შესყიდვის ობიექტის ხარისხი და გარანტია

- 7.1. შესყიდვის ობიექტის ხარისხი უნდა პასუხობდეს სახარჯთაღრიცხვო დოკუმენტაციის მოთხოვნებს.
- 7.2. სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში არსებულ სტანდარტებს.
- 7.3. სამუშაოების შესრულების პროცესში გამოყენებული მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) თანხმდება შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან შესრულებული სამუშაო არ შეესაბამება შემსყიდველი ორგანიზაციის მოთხოვნებს, მიმწოდებელი ვალდებულია თავისი ხარჯებით გამოასწოროს, წარმოადგინოს სხვა, შემსყიდველისათვის მისაღები მასალა, მოწყობილობა ან/და სხვაგვარად შეასრულოს სამუშაო;
- 7.4. შესრულებული სამუშაოს საგარანტიო ვადა შეადგენს **2 (ორი) წელს** (გარდა მექანიკური დაზიანებისა);
- 7.5. მიმწოდებელი ვალდებულია საგარანტიო პერიოდში გამოვლენილი ნაკლის ან დეფექტის გამოვლენის შემთხვევაში აღმოფხვრას ნაკლი/დეფექტი საკუთარი ხარჯებით.

8. დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. ოზურგეთი, კოსტავას №1.

ქ. ოზურგეთი, კოსტავას ქ. №1, საკონტაქტო პირი: სატენდერო კომისიის აპარატის წევრი მიხეილ შილაკაძე. ტელ: 599 333 223

E-Mail: oz.sheskidvebi@gmail.com

პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.

ხელშეკრულება სახელმწიფო შესყიდვის შესახებ № (პროექტი)

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების დროს)

ქ. ოზურგეთი

----- 2016 წელი

ერთის მხრივ ოზურგეთის მუნიციპალიტეტი (შემდგომში „შემსყიდველი“), წარმოდგენილი -----
----- სახით და მეორეს მხრივ ----- (შემდგომში
„მიმწოდებელი“), წარმოდგენილი ----- სახით, ვხელმძღვანელობთ რა საქართველოში მოქმედი
კანონმდებლობით, შემსყიდველის მიერ ჩატარებული ელექტრონული ტენდერის (SPA-----)
საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. შენობის დასრულების სამუშაოები (CPV კოდი - 45400000)

2. შესყიდვის ობიექტი

2.1. ოზურგეთის მუნიციპალიტეტის ადმინისტრაციული შენობის დასრულების სამუშაოების შესყიდვა.

2.2. შესასრულებელი სამუშაოს მოცულობა მოცემულია სახარჯთაღრიცხვო დოკუმენტაციაში, რომელიც
ატვირთულია სატენდერო დოკუმენტაციასთან ერთად.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს ----- (-----) ლარს.

3.2. ხელშეკრულების საერთო ღირებულება მოიცავს მიმწოდებლისათვის მოქმედი კანონმდებლობით
განსაზღვრულ ყველა გადასახდელს.

3.3. დაფინანსების წყაროს წარმოადგენს, ოზურგეთის მუნიციპალიტეტის 2016 წლის ადგილობრივი
ბიუჯეტის სახსრები.

4. შესყიდვის ობიექტის მიწოდების ვადები და ადგილი

4.1. შესყიდვის ობიექტის მიწოდების საბოლოო ვადა ხელშეკრულების გაფორმებიდან 2016 წლის -----.

4.2. შესყიდვის ობიექტის მიწოდების ადგილია: ოზურგეთის მუნიციპალიტეტი.

5. ხელშეკრულების მოქმედების ვადა

5.1 ხელშეკრულება ძალაშია მისი ხელმოწერის დღიდან და მოქმედებს -----

6. შესყიდვის ობიექტის მიღება-ჩაბარების წესი

6.1. სამუშაოები უნდა შესრულდეს მიმწოდებლის მიერ წარმოდგენილი გეგმა-გრაფიკის შესაბამისად,
წინააღმდეგ შემთხვევაში გამოყენებული იქნება სატენდერო დოკუმენტაციით განსაზღვრული
ხელშეკრულების პირობების შეუსრულებლობისათვის განსაზღვრული საჯარიმო სანქციები (სამუშაოს
წარმოების გეგმა-გრაფიკი საბოლოო სახე შესაძლებელია მიეცეს ხელშეკრულების გაფორმების დროს).

6.2. სამუშაოს (ეტაპის) მიღება განხორციელდება შემსყიდველის და შემსრულებლის უფლებამოსილი
წარმომადგენლის თანდასწრებით, რაზედაც შედგება უფლებამოსილი წარმომადგენლების ხელწერებით
დამოწმებული შესაბამისი მიღება-ჩაბარების აქტი.

6.3. შემსყიდველის მხრიდან მიღება-ჩაბარების აქტს ხელს აწერს სახელმწიფო შესყიდვების შესახებ

ხელშეკრულების პირობების შესრულების კონტროლის მიზნით ოზურგეთის მუნიციპალიტეტის გამგებლის 2014 წლის 18 აგვისტოს ბრძანებით შექმნილი სამუშაო ჯგუფი.

6.4. სამუშაოს (ეტაპის) დასრულების შემდეგ მიმწოდებელი წერილობით მიმართავს შემსყიდველს, წერილს თან უნდა ერთვოდეს შესყიდვის ობიექტის მიღებისათვის საჭირო ყველა დოკუმენტი.

6.5. შესყიდვის ობიექტი მიწოდებულად ითვლება ორმხრივ ხელმოწერილი მიღება-ჩაბარების აქტის გაფორმების შემდეგ.

7. შესყიდვის ობიექტის ხარისხი და გარანტია

7.1. შესყიდვის ობიექტის ხარისხი უნდა პასუხობდეს სახარჯთაღრიცხვო დოკუმენტაციის მოთხოვნებს.

7.2. სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში არსებულ სტანდარტებს.

7.3. სამუშაოების შესრულების პროცესში გამოყენებული მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) თანხმდება შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან შესრულებული სამუშაო არ შეესაბამება შემსყიდველი ორგანიზაციის მოთხოვნებს, მიმწოდებელი ვალდებულია თავისი ხარჯებით გამოასწოროს, წარმოადგინოს სხვა, შემსყიდველისათვის მისაღები მასალა, მოწყობილობა ან/და სხვაგვარად შეასრულოს სამუშაო;

7.4. შესრულებული სამუშაოს საგარანტიო ვადა შეადგენს **2 (ორი) წელს** (გარდა მექანიკური დაზიანებისა);

7.5. მიმწოდებელი ვალდებულია საგარანტიო პერიოდში გამოვლენილი ნაკლის ან დეფექტის გამოვლენის შემთხვევაში აღმოფხვრას ნაკლი/დეფექტი საკუთარი ხარჯებით.

8. ანგარიშსწორების ფორმა, გრაფიკი (ვადები)

8.1. „მიმწოდებელთან“ ანგარიშსწორება განხორციელდება ეროვნულ ვალუტაში;

8.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

8.3. შესაძლებელია საავანსო ანგარიშსწორების გამოყენება ხელშეკრულების ღირებულების 30%-ის ფარგლებში, შემსყიდველის მიერ ავანსის გაცემასთან დაკავშირებით, მიმწოდებელი ვალდებულია წარმოადგინოს გასაცემი ავანსის ოდენობის (ბანკის მიერ გაცემული) უპირობო საბანკო გარანტია. გარანტიის ვადა უნდა აღემატებოდეს სამუშაოების დასრულების ვადას 30 (ოცდაათი) კალენდარული დღით.

8.4. ავანსის გაქვითვა მოხდება ფაქტობრივად შესრულებული სამუშაოს გათვალისწინებით შესაბამისი მიღება-ჩაბარების აქტის (ფორმა №2) საფუძველზე, შესრულებული სამუშაოს პროპორციულად.

8.5. ავანსის გათვალისწინებული თანხის გადარიცხვა იწარმოებს უნაღდო ანგარიშსწორების ფორმით მიმწოდებლის მიერ უპირობო საბანკო გარანტიის წარმოდგენიდან ორი კვირის ვადაში.

8.6. შემსყიდველი უფლებამოსილია ამოქმედოს ავანსის უზრუნველსაყოფად გაცემული საბანკო გარანტია მიმწოდებლის მიერ ხელშეკრულების პირობების დარღვევისა და ხელშეკრულების შეწყვეტის შემთხვევაში, თუკი შეწყვეტის მომენტისათვის მიმწოდებელს არა აქვს დაქვითული გაცემული ავანსი ან მისი ნაწილი.

8.7. ანგარიშსწორება „შემსყიდველის“ მიერ მოხდება ეტაპობრივად, შესრულებულ სამუშაოზე „ფორმა №2“-ისა და შესრულებულ სამუშაოზე გაფორმებული მიღება-ჩაბარების აქტის საფუძველზე, შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში.

8.8. შუალედური ანაზღაურება განხორციელდება არაუმეტეს ნაზარდი ჯამით სახელშეკრულებო ღირებულების 80 %-სა.

8.9. საბოლოო ანაზღაურება მოხდება შესრულებულ სამუშაოზე გაფორმებული საბოლოო მიღება-ჩაბარების აქტის შემდეგ 10 (ათი) სამუშაო დღის მანძილზე, რომელსაც თან უნდა ერთვოდეს ექსპერტიზის მიერ გაცემული დასკვნა შესრულებული სამუშაოს სახარჯთაღრიცხვო მოთხოვნებთან შესაბამისობის შესახებ.

8.10. ექსპერტის შერჩევა უნდა შეთანხმდეს შემსყიდველთან. ექსპერტიზის დასკვნის ხარჯებს აანაზღაურებს მიმწოდებელი.

8.11. გათვალისწინებული სამუშაოების თანხების ხარჯვა მოხდება აუცილებლობიდან გამომდინარე შემსყიდველთან შეთანხმებით.

9. მხარეთა უფლება-მოვალეობანი

9.1. „შემსყიდველი“ ვალდებულია:

- გადასცეს მიმწოდებელს ინფორმაცია შესყიდვის ობიექტის მიწოდებასთან დაკავშირებული ყველა არსებითი გარემოების შესახებ;
- აანაზღაუროს შესრულებული სამუშაოს ღირებულება.
- განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;
- საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

9.2. „მიმწოდებელი“ ვალდებულია:

- დაიცვას ხელშეკრულებით გათვალისწინებული ყველა პირობა;
- დააკმაყოფილოს „შემსყიდველის“ მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით;
- სამუშაოს შესრულებისას დაიცვას უსაფრთხოებისა და გარემოს დაცვის ნორმები.
- სამუშაოების პარალელურად მისი ძალებითა და სახსრებით სამუშაო მოედანი პერიოდულად გათავისუფლოს სამშენებლო ნაგვისაგან, ნარჩენი მასალებისაგან, დროებითი ნაგებობებისაგან და ა.შ.

9.3. „მიმწოდებელს“ უფლება აქვს:

- მოთხოვოს „შემსყიდველს“ გაწეული მომსახურების შუალედური და საბოლოო ანაზღაურება ხელშეკრულებით გათვალისწინებული პირობებით.

10. მხარეთა პასუხისმგებლობა ხელშეკრულების დარღვევისას

10.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

10.2. ხელშეკრულებით განსაზღვრული ვადების დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო შეუსრულებელი ვალდებულების ღირებულების 0.1% ოდენობით.

10.3. იმ შემთხვევაში, თუ მიმწოდებლის მიერ, სატენდერო დოკუმენტაციით (ხელშეკრულებით) განსაზღვრული ობიექტის საბოლოო ჩაბარების ვადას, ვადაგადაცილება აღემატება ჯამში 20 (ოცი) კალენდარული დღეს, შემსყიდველს უფლება აქვს შეწყვიტოს ხელშეკრულება.

10.4. ხელშეკრულების შეუსრულებლობით შეწყვეტის შემთხვევაში, მიმწოდებელს ეკისრება პირგასამტეხლოს გადახდა ხელშეკრულების საერთო ღირებულების 10 (ათი) პროცენტის ოდენობით;

10.5. სამუშაოების წარმოების გეგმა-გრაფიკის დარღვევის შემთხვევაში მიმწოდებელს დაეკისრება პირგასამტეხლო სატენდერო დოკუმენტაციის „6.2.“ პუნქტით განსაზღვრული ოდენობის შესაბამისად. პირგასამტეხლოს დარიცხვა შეიძლება გაგრძელდეს 7 კალენდარული დღის განმავლობაში, ამის შემდეგ დგება ახალი გეგმა-გრაფიკი.

10.6. ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას არ აანაზღაუროს შესრულებული სამუშაოს ასანაზღაურებელი ღირებულება, საჯარიმო სანქციებით გათვალისწინებული თანხის სრულ გადახდამდე.

11. ხელშეკრულების პირობების გადასინჯვის შესაძლებლობა

11.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების საერთო ღირებულების 10%-ზე მეტი ოდენობის გაზრდა;

11.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

13. ფორს-მაჟორი

13.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

13.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების პირობების შესრულების კონტროლი

15.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია მიწოდებული შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

15.2. ხელშეკრულების პირობების შესრულების კონტროლს შემსყიდველის მხრიდან განახორციელებს შემსყიდველის მიერ საამისოდ დანიშნული უფლებამოსილი პირები.

15.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

15.4. გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

16. სხვა პირობები

16.1 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა, სამი პირი ინახება შემსყიდველთან, ერთი - მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16.3 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ, ითვლება ხელშეკრულების განუყოფელ ნაწილად და სავალდებულოა შესასრულებლად.

16.4 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

16.5 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

17. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი, თანამდებობა:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

ხელმოწერა: -----

ბ.ა.

ინფორმაცია ანალოგიური სამუშაოს შესახებ

№	შესყიდვის ობიექტის დასახელება	შემსყიდველის დასახელება	სახელშეკრულებო ღირებულება	ფაქტიურად შესრულებული სამუშაოს ღირებულება	სამუშაოს შესრულების პერიოდი
1					

ხელმოწერა: -----
ბ.ა.

სამუშაოების წარმოების
გეგმა-გრაფიკი

№	თვე/წელი	სამუშაოს დასახელება	დირეზულება (ლარი)
1			
2			
3			
4			

ხელმოწერა:

ბ. ა.